

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
- Općinsko vijeće -  
Broj: 01/1- \_\_\_\_\_/2017  
Kakanj, \_\_\_\_\_ 2017.godine**

**PRIJEDLOG**

**O D L U K A**

**o utvrđivanju registra naziva ulica, trgova i mostova  
na području općine Kakanj**

**Kakanj, mart 2017. godine**

Na osnovu člana 13. stav (2) tačka 9) Zakona o principima lokane samouprave („Službeni glasnik FBiH“ broj: 49/06 i 51/09) i člana 24. stav (1) tačka 11) Statuta Općine Kakanj („Službeni novine Općine Kakanj“, broj: 4/08), Općinsko vijeće Kakanj, na \_\_\_\_\_ sjednici održanoj dana \_\_\_\_\_ godine, donijelo je

## O D L U K U

### **o utvrđivanju registra naziva ulica, trgova i mostova na području općine Kakanj**

#### **Član 1.**

Ovom odlukom utvrđuje se registar naziva ulica, trgova i mostova na području općine Kakanj.

#### **Član 2.**

Na području općine Kakanj, utvrđuje se registar za 50. ulica kako slijedi:

#### **1. Ulica „ALIJE IZETBEGOVIĆA“ (bivša „Stanislava Traupa“ i „Zgošćanska“)**

Ulica Alije Izetbegovića počinje od kružnog toka na ulazu u grad, nastavlja urbanom jezgrom grada te završava mostom na rijeci Zgošći, prije Parka minulih ratova. Ukupna dužina glavnog kraka ove ulice iznosi 1.484 m. Ovoj ulici s lijeve strane, uzvodno rijekom Zgošćom, pripadaju i sve transverzalne ulice koje se spajaju na Ulicu Branilaca i pristupni putevi uz lijevu obalu rijeke Zgošće. Ulici Alije Izetbegovića s desne strane pripada i sporedna cesta u dužini od pošte do spajanja na Ulicu 7. muslimanske kod Zelene pijace te sporedna ulica u dužini od pošte do spajanja na glavnu ulicu Alije Izetbegovića, naspram poslovnog objekta "REAL" (bivši Konzum).

#### **2. Ulica „7. MUSLIMANSKA“ (bivša „Miladina Dragića“)**

Ulica 7. muslimanska počinje odvajanjem sa kružnog toka na centru, nastavlja prema Staroj jami i završava kod ulazne kapije iste. Ukupna dužina navedene ulice iznosi 432 m.

#### **3. Ulica „ŠEHIDA“ (bivša „Omladinska“)**

Ulica Šehida odvaja se sa Ulice 7. muslimanske, naspram Zelene pijace, zatim nastavlja pored Srednjoškolskog centra i O.Š. "Hamdija Kreševljaković" i spaja se na Ulicu Alije Izetbegovića. Ukupna dužina ulice Šehida iznosi 897 m.

#### **4. Ulica „ZENIČKO - PARTIZANSKOG ODREDA“**

Ulica ZPO započinje odvajanjem sa Ulice 7. muslimanske u blizini zgrade Poleta, nastavlja prema Plandištu i u pravcu Doma zdravlja Kakanj te završava spajanjem sa Ulicom Alije Izetbegovića, naspram poslovnog objekta "REAL" (bivši Konzum). Ukupna dužina ove ulice iznosi 796 m.

## **5. Ulica „1. MAJ“**

Ulica 1. maj započinje od parcele k.č. 2173, k.o. Kakanj, u blizini poslovnog objekta "Ara" (ne uključujući ovaj objekat), a završava odvajanjem desno prema Plandištu, na granici sa parcelom k.č. 2175, k.o. Kakanj. Ova ulica proteže se u dužini od 869 m (dužina glavnog kraka).

## **6. Ulica „311. LAHKE BRIGADE“ (bivša „Vlade Dragića“)**

Ulica 311. lahke brigade započinje od kružnog toka na ulazu u Kakanj i pruža se u pravcu autoputa tj. naplatnih kućica i bivšeg hotela "Premium". Dužina ovog kraka iznosi 1.068 m. Ulica 311. lahke brigade obuhvata i dio industrijske ceste od teretne kapije TC Kakanj do podvožnjaka u blizini poslovnog objekta "Nova Trgovina" kao i transverzale koje spajaju ova dva kraka. Ukupna dužina industrijske ceste koja pripada Ulici 311. lahke brigade iznosi 690 m.

## **7. Ulica „BRANILACA“**

Ulica Braničaca počinje odvajanjem desno sa ulice Rudarska iz pravca Albanije, pored parka minulih ratova. Pruža se novoizgrađenom saobraćajnicom, desnom obalom rijeke Zgošće pored administrativnog objekta Općine Kakanj sve do spajanja sa ulicom V divizije NOP-a, u blizini objekta na parceli k.č. 1681/2, k.o. Kakanj i ušća Zgošće u rijeku Bosnu. Ovoj ulici pripada i krak dužine 442 m koji se sa odvaja desno pored Boračke zgrade kroz romsko naselje prema Elektroodistribuciji i ponovo izlazi na ulicu Braničaca. Ulici Braničaca pripada i krak dužine 208 m koji se sa ove ulice odvaja desno od objekta na parceli k.č. 1724/2, k.o. Kakanj, u pravcu romskog naselja, do kraja parcele k.č. 2182, k.o. Kakanj. Dužina glavnog kraka ove ulice od spomenika do ušća rijeke Zgošće u Bosnu iznosi 1.213 m, a ukupna dužina sa svim krakovima iznosi 1.863 m.

## **8. Ulica „PATRIOTSKE LIGE“ (bivša „Mate Kneževića“)**

Ulica Patriotske lige počinje odvajanjem desno sa ulice Osmana Džafića, od stambenog objekta Zaimović Ređiba na parceli k.č. 944, k.o. Kakanj (uključujući i ovaj objekat), obuhvata i krak koji se odvaja lijevo u pravcu Grebena i završava izlazom na ulicu Mehmeda Skopljaka pored stambenog objekta Husagić Ševala na parceli k.č. 337, k.o. Kakanj (ne uključujući ovaj objekat). Ukupna dužina opisane ulice je 855 m.

## **9. Ulica „RUDI ČAJAVEC“**

Ulica Rudi Čajavec započinje odvajanjem desno sa ulice Osmana Džafića, nastavlja pored baraka, odnosno iznad lamela i završava izlazom na ulicu Stjepana Kovačevića. Dužina opisane ulice iznosi 463 m.

## **10. Ulica „IVO LOLA RIBAR“**

Ulica Ivo Lola Ribar počinje odvajanjem desno sa ulice Stjepana Kovačevića i pruža se parcelom k.č. 2163, k.o. Kakanj te završava spajanjem sa ulicom Mehmeda Skopljaka. Ukupna dužina ulice Ivo Lola Ribar iznosi 257 m.

## **11. Ulica „STJEPANA KOVAČEVIĆA“**

Ulica Stjepana Kovačevića odvaja se lijevo sa križanja ulica Rudarska i Mehmeda Skopljaka, pored nekadašnjeg Karitasa (uključujući i ovaj objekat) te nastavlja do stambenog objekta Gačić Elvedina na parceli k.č. 419/4, k.o. Kakanj, u dužini od 163 m. Ulica Stjepana Kovačevića obuhvata i krak koji se odvaja lijevo ispod Lamela do izlaza na ulicu Rudarsku kod stambeno-poslovnog objekta "Rima-market" (ne uključujući ovaj objekat) u dužini od 244 m.

## **12. Ulica „MEHMEDA SKOPLJAKA“**

Ulica Mehmeda Skopljaka počinje od raskrsnice kod bivšeg Karitasa, odnosno kod križanja sa ulicom Stjepana Kovačevića i dalje nastavlja prema naseljenom mjestu Zgošća do stambenog objekta Ganibegović Salke na parceli k.č. 172/1, k.o. Kakanj. Ukupna dužina ove ulice iznosi 814 m.

## **13. Ulica „RUDARSKA“**

Ulica Rudarska započinje od mosta na rijeci Zgošći u blizini Parka minulih ratova, a završava na križanju sa ulicom Stjepana Kovačevića, naspram poslovnog objekta "Maximarket" (uključujući i ovaj objekat). Dužina Rudarske ulice iznosi 587 m.

## **14. Ulica „OMERA MASLIĆA“**

Ulica Omara Maslića započinje odvajanjem desno sa ulice Mehmeda Skopljaka, naspram katoličke crkve i pruža se dalje preko mosta na rijeci Zgošći te završava na raskrsnici sa ulicom Paše Kubata kod stambenog objekta Čehajić Bahrudina (uključujući i ovaj objekat). Ovoj ulici pripada i krak koji se odvaja desno sa prethodno opisane ulice prema područnoj O.Š. "Mula Mustafa Bašeskija" Bukovlje kao i krak koji se odvaja lijevo pored objekta Kubura Ilhane r. Karzić, na parceli k.č. 47, k.o. Bukovlje. Ukupna dužina ulice Omara Maslića bez njenih sporednih krakova iznosi 791 m.

## **15. Ulica „MELENTE BOŠNJAKA“**

Ulica Melente Bošnjaka počinje odvajanjem lijevo sa ulice Rudarska kod ugostiteljskog objekta "Park" (bivša Pojata), ne uključujući ovaj objekat, te nastavlja pored UGPD Zgošća i završava na raskrsnici kod Šehidske česme u naseljenom mjestu Varda. Ukupna dužina ove ulice iznosi 488 m.

## **16. Ulica „4. JULI“**

Ulica 4.juli počinje od trafoa u blizni Šehidske česme na Vardi i pruža se prema kamenolomu Greben do stambenog objekta Kukić Sakiba na parceli k.č. 494, k.o. Kakanj (uključujući i ovaj objekat). Ukupna dužina ove ulice iznosi 802 m. Ulica 4.juli obuhvata i desni krak koji se pruža neposredno iznad gradskog groblja.

## **17. Ulica „V DIVIZIJE NOP-a“**

Ulica V divizije NOP-a počinje od objekta bivšeg Maršala na parceli k.č.1629, k.o. Kakanj (ne uključujući ovaj objekat), nastavlja prema Vardi i završava pored Šehidske česme na Vardi, na raskrsnici sa ulicom Melente Bošnjaka i ulicom 4. juli. Ova ulica obuhvata sve krake koji se spajaju s desne i lijeve strane. Dužina ove ulice, ne uključujući sporedne krakove, iznosi 1.147 m.

## **18. Ulica „BRATSTVA I JEDINSTVA“**

Ulica Bratstva jedinstva počinje ispod Mosta mladih, pružajući se parcelom k.č. 1794, k.o. Doboј, paralelno sa lijevom obalom rijeke Bosne i dalje ispod tzv. Cementarskog mosta nastavlja parcelom k.č. 1792, k.o. Doboј. Ukupna dužina ove ulice iznosi 1.433 m.

## **19. Ulica „ŽELJEZNIČKA“**

Ulica Željeznička pruža se od mosta na rijeci Bosni u mjestu Zli brijeg, od stambenog objekta na parceli k.č. 151/1, k.o. Doboј, paralelno sa željezničkom prugom do početka ulice 29. novembar, u blizini podvožnjaka ispod autoputa u mjestu Podhrasnice. Ulica Željeznička završava sa parcelom k.č. 845/4, k.o. Doboј sa desne, te k.č. 846/2, k.o. Doboј, sa lijeve strane. Ukupna dužina ove ulice iznosi 1.425 m.

## **20. Ulica „RUDI MALI“**

Ulica Rudi Mali počinje odvajanjem lijevo sa ulice Patriotske lige pored stambenog objekta Amidžić Admira na parceli k.č. 358, k.o. Kakanj (uključujući ovaj objekat), nastavlja kroz mjesto Šimiće i završava izlazom na ulicu Mehmeda Skopljaka u blizini stambenog objekta Habibović Nehrudina na parceli k.č. 204, k.o. Kakanj (ne uključujući ovaj objekat). Ukupna dužina ove ulice iznosi 790 m.

## **21. Ulica „OSMANA DŽAFIĆA“**

Ulica Osmana Džafića počinje odvajanjem lijevo sa ulice Rudarska pored rudarskog parka, nastavlja čitavom dužinom parcele k.č. 2166, k.o. Kakanj i završava spajanjem sa ulicom 4. juli u mjestu Barev Do. Dužina opisane ulice iznosi 532 m.

## **22. Ulica „309. BRDSKE BRIGADE“**

Ulica 309. brdske brigade počinje odvajanjem desno sa ulice Melente Bošnjaka kod objekta UGPD Zgošća, a zatim se pruža pored objekta Centra za socijalni rad, te nastavlja ravno dalje sve do spajanja sa Rudarskom ulicom neposredno prije stambeno-poslovnog objekta "Rima market". Ukupna dužina navedene ulice iznosi 427 m.

## **23. Ulica „27. JULI“**

Ulica 27. juli u naseljenom mjestu Povezice započinje odvajanjem desno sa ulice 311. lahke brigade pored stambeno poslovnog objekta "Crni" (uključujući i ovaj objekat), nastavlja pored Autobusne stanice Kakanj i završava na križanju sa ulicom bratstva jedinstva. Ulica 27. juli pruža se čitavom dužinom parcele k.č. 569, k.o. Doboј. Ukupna dužina ulice iznosi 263 m.

## **24. Ulica „PAŠE KUBATA“**

Ulica Paše Kubata počinje od Mosta Šehida na rijeci Zgošći, pruža se njenom lijevom obalom te završava kod Aliefendića mosta. Ulica Paše Kubata ima ukupnu dužinu od 506m.

**25. Ulica „ALMIRA HASAGIĆA“ ( bivša dio ulice „29. Novembar“)**

Ulica Almira Hasagića počinje u blizini podvožnjaka ispod autoputa V-c u mjestu Podhrasnice, odnosno odvaja se desno na raskrsnici ulice 29. novembar, zatim nastavlja prema bićerskoj džamiji u dužini od 1.050 m, do podvožnjaka autoputa u mjestu Podravanje-Zli Brijeg.

**26. Ulica „SELIMA ef. MERDANOVIĆA“ ( bivša „Fadila Dogdibegovića“)**

Ulica Selima ef. Merdanovića počinje odvajanjem sa kružnog toka na ulazu u Kakanj i prolazi kroz naselje Doboј u pravcu Kakanj – Čatići, do Merajice i križanja sa ulicom Imamovića kod stambeno-poslovnog objekta Rima market (uključujući i ovaj stambeno-poslovni objekat). Ulica Selima ef. Merdanovića obuhvata sve krake Novog naselja Cementara koji imaju pristup na ovu ulicu, te krak koji se odvaja lijevo pored stambenog objekta Mandžuka Šabana na parceli k.č. 615/5, k.o. Doboј, i nastavlja lijevom obalom do mosta Zlatnih ljljana na rijeci Bosni. Dužina ulice Selima ef. Merdanovića bez njenih krakova iznosi 1.115 m.

**27. Ulica „KULOVIĆ VEHBIJE“**

Ulica Vehbije Kulovića odvaja se desno sa ulice Selima ef. Merdanovića kod stambeno poslovnog objekta Rima market, te se nastavlja sve do pješačke pasarele preko autoputa koja se spaja sa ulicom 29. Novembar. Ulica Vehbije Kulovića ima dužinu od 527 m.

**28. Ulica „SALIHA JAŠARSPAHIĆA“**

Ulica Saliha Jašarspahića počinje odvajanjem lijevo sa ulice Selima ef. Merdanovića i proteže se duž parcele k.č. 1799, k.o. Doboј, pored džamije u Doboju, do ponovnog uključenja na ulicu Selima ef. Merdanovića u dužini od 420 m.

**29. Ulica „VATROGASNA ULICA“**

Vatrogasna ulica u naseljenom mjestu Doboј nastavlja se na ulicu Selima ef. Merdanovića, od križanja sa ulicom Imamovića kod stambeno-poslovnog objekta "Rima market". Sa glavne saobraćajnice skreće desno ispod pružnog mosta i nastavlja lijevom obalom rijeke Bosne pored izvora Studenac te završava kod stambenog objekta Arnautović Fadila na parceli k.č. 1741, k.o. Doboј. Ukupna dužina Vatrogasne ulice iznosi 833 m.

**30. Ulica „IMAMOVIĆA“**

Ulica Imamovića u naseljenom mjestu Doboј počinje odvajanjem lijevo sa ulice Saliha Jašarspahića, prije objekta "Kulturni centar Turk-Bošnjak", nastavlja lijevom obalom rijeke Bosne pored Vatrogasnog doma, te završava pored stambeno-poslovnog objekta "Rima market" na Merajici (ne uključujući ovaj objekat). Ukupna dužina ove ulice iznosi 861 m.

**31. Ulica „KULOVIĆA“**

Ulica Kulovića ima ukupnu dužinu od 156m i započinje odvajanjem lijevo sa ulice Selima ef. Merdanovića kod stambenog objekta Kulović Mufida na parceli k.č.1203/2, k.o. Doboј, (uključujući i ovaj objekat) i nastavlja do spajanja sa ulicom Imamovića.

### **32. Ulica "MILSKI PUT"**

Ulica Milski put u naseljenom mjestu Doboј predstavlja dio regionalne ceste Kakanj-Visoko i započinje od drumskog mosta preko rijeke Bosne do pristupnog puta za odvoz rudničke jalovine sa lijeve strane, nakon poslovnog objekta "Tržnica". Ulica Milski put obuhvata krak koji se odvaja desno prema stadionu Mladosti i zatim nastavlja uz desnu obalu rijeke Bosne prema Milama te krak koji se odvaja lijevo sa regionalne ceste pored baraka (također prema Milama). Ukupna dužina ulice Milski put zajedno sa svim njenim kracima iznosi 1.111 m.

### **33. Ulica „29. NOVEMBAR“**

Ulica 29. Novembar počinje parcelom k.č. 934, k.o. Bićer, kod stambenog objekta Hadžić Selima sa desne strane i stambenog objekta Ibrahimspahić Irfana sa lijeve strane (uključujući navedene objekte). Ovaj krak ulice 29. Novembar pruža se sa desne strane autoputa pored O.Š. "15. April" Doboј, do podvožnjaka ispod autoputa u mjestu Dobojsko polje.

### **34. Ulica „25. NOVEMBAR“**

Ulica 25. Novembar u naseljenom mjestu Doboј proteže se u dužini od 859 m i počinje parcelom k.č. 1072, k.o. Bićer, odnosno odvajanjem desno sa ulice 29. Novembar kod Dobojskog mezarja, naspram pješačke pasarele iznad autoputa, te dalje nastavlja prema naseljenom mjestu Koprivnica i završava kod stambenog objekta Rajkić Faruka (uključujući i ovaj objekat).

### **35. Ulica „8. APRIL“**

Ulica 8. april u naseljenom mjestu Doboј proteže se cijelom dužinom parcele k.č. 1458, k.o. Doboј, odnosno, počinje odvajanjem lijevo sa ulice Vehbije Kulovića, prije mosta preko željezničke pruge, a završava kod stambenog objekta Goga Admira (nekadašnji bunker) pri tome ne uključujući ovaj objekat. Navedena ulica ima dužinu od 346 m.

### **36. Ulica "HRASNIČKI PUT"**

Ulica Hrasnički put proteže se u dužini od 1.139 m, a počinje odvajanjem desno sa ulice 29. novembar pored O.Š. "15. april" te ponovo nastavlja desno prema dijelu naseljenog mesta Hrasnice i završava kod stambenog objekata na parceli k.č. 853, k.o. Bićer i stambenog objekta Ahmetović Juse na parceli k.č. 813, k.o. Bićer (uključujući i ove objekte).

### **37. Ulica „PARTIZANSKA ULICA“**

Partizanska ulica započinje odvajanjem lijevo sa ulice Vehbije Kulovića nakon drumskog mosta preko željezničke pruge. Počinje od stambenog objekta Migić Sudana na parceli k.č. 1592, k.o. Doboј (uključujući i ovaj objekat) i pruža se prema stambenim zgradama u dužini od 120 m.

### **38. Ulica "POTOCI"**

Ulica Potoci u naseljenom mjestu Doboј započinje odvajanjem lijevo sa ulice Hrasnički put nakon O.Š. "15. april", a završava kod stambenog objekta Karahodžić Ibrahima (uključujući i ovaj objekat). Navedena ulica pruža se u dužini od 953 m.

### **39. Ulica "VINSKI PUT"**

Ulica Vinski put počinje od mosta na Koprivskom potoku pored stambenog objekta Ibrahimspahić Senada na parceli k.č. 2451/2, k.o. Bićer (uključujući i ovaj objekat) i nastavlja prema naseljenom mjestu Donji Banjevac do stambenog objekta Penjo Ismeta na parceli k.č. 2665, k.o. Bićer (uključujući i ovaj objekat). Ukupna dužina ove ulice iznosi 538 m.

### **40. Ulica „RUDARSKA“ ČATIĆI**

Rudarska ulica u naseljenom mjestu Čatići ima dužinu od 736 m, a započinje odvajanjem lijevo sa regionalne ceste Kakanj-Kraljeva Sutjeska, od parcele k.č. 1026, k.o. Čatići i nastavlja do ulaza u krug depoa Termoelektrane Čatići (uključujući i ovaj industrijski objekat).

### **41. Ulica „ŽELJEZNIČKA“ ČATIĆI**

Ulica Željeznička započinje odvajanjem desno sa regionalne ceste Kakanj-Kraljeva Sutjeska od stambenog objekta Bojić Zorana na parceli k.č. 1103, k.o. Čatići te dalje nastavlja kroz naseljeno mjestu Turbići, do skretanja za naseljeno mjesto Gora u blizini depela Turbići. Ukupna dužina Željezničke ulice iznosi 1.813 m.

### **42. Ulica „BRIGADIRSKA“ ČATIĆI**

Brigadirska ulica u naseljenom mjestu Čatići odvaja se lijevo sa lokalne ceste Čatići-Slapnica naspram ulaza u krug poslovnog objekta DSM-Trade i pruža se do izlaza na cestu Kakanj-Kraljeva Sutjeska u dužini od 245 m.

### **43. Ulica „POLJE“ ČATIĆI**

Ulica Polje Čatići počinje od raskrsnice na dijelu regionalnog puta Kakanj-Kraljeva Sutjeska-Visoko do drumskog mosta na rijeci Bosni. Jedan krak ulice Čatići Polje proteže se i do Željezničkog mosta na istoj rijeci prema Doboju. Ukupna dužina ove ulice iznosi 989 m.

### **44. Ulica „VINSKA“ ČATIĆI**

Vinska ulica u naseljenom mjestu Čatići proteže se u dužini od 278 m i počinje odvajanjem sa puta Kakanj-Kraljeva Sutjeska u dijelu naseljenog mesta Vehabi naspram šehidske česme, a završava kod stambenog objekta Plasto Eniza na parceli k.č. 477, k.o. Čatići, prema naseljenom mjestu Hrasno.

### **45. Ulica „FRA BONE BENIĆA“ ČATIĆI (bivša „Abdulaha ef. Ganića“)**

Ulica Fra Bone Benića proteže se od raskrsnice na dijelu regionalnog puta Kakanj-Kraljeva Sutjeska-Visoko do stare osnovne škole u Obrima (ne uključujući ovaj objekat) u dužini od 1943 m.

#### **46. Ulica „OMLADINSKA“ ČATIĆI**

Omladinska ulica u naseljenom mjestu Čatići odvaja se desno sa ceste Kakanj-Kraljeva Sutjeska i proteže se cjelokupnom dužinom parcele k.č. 1239/1 k.o. Čatići do ponovnog izlaska na cestu Kakanj-Kraljeva Sutjeska, te obuhvata i krak koji se spušta desno pored sportskog igrališta "Čimen" do mosta na rijeci Trstionici. Ukupna dužina ove ulice iznosi 815 m.

#### **47. Ulica „MARŠALA TITA“ Kraljeva Sutjeska**

Ulica Maršala Tita u naseljenom mjestu Kraljeva Sutjeska predstavlja dio regionalnog puta Kakanj-Kraljeva Sutjeska na potezu od stambenog objekta Stojčić Nike na parceli k.č. 842/2, k.o. Kraljeva Sutjeska, do mosta na raskrsnici prema naseljenim mjestima Ratanj i Nažbilj. Od mosta ulica Maršala Tita nastavlja dalje prema franjevačkom samostanu. Ukupna dužina ove ulice iznosi 2.973 m.

#### **48. Ulica „STJEPANA KOVAČEVIĆA“ Kraljeva Sutjeska**

Ulica Stjepana Kovačevića u naseljenom mjestu Kraljeva Sutjeska započinje odvajanjem lijevo sa ulice Maršala Tita, od stambenog objekta Pavlović Joze (uključujući i ovaj objekat) i nastavlja sve do ponovnog uključenja na ulicu Maršala Tita. Ukupna dužina prethodno opisane ulice iznosi 266 m.

#### **49. Ulica „VLADIMIR NAZOR“ Kraljeva Sutjeska**

Ulica Vladimira Nazora počinje odvajanjem desno sa regionalne ceste Kakanj-Kraljeva Sutjeska, odnosno ulice Maršala Tita, nastavlja pored O.Š. "Augustina Bessa-Luis" (uključujući i ovaj objekat) i pruža se lijevom obalom Trstionice uzvodno. Ukupna dužina ove ulice iznosi 278 m.

#### **50. Ulica „BRATSTVA I JEDINSTVA“ Kraljeva Sutjeska**

Ulica Bratstva i jedinstva u naseljenom mjestu Kraljeva Sutjeska počinje odvajanjem desno od mosta i ulice Vladimira Nazora pored O.Š. "Augustina Bessa-Luis" u Kraljevoj Sutjesci (ne uključujući ovaj objekat), nastavlja lijevom obalom rijeke Trstionice nizvodno u dužini od 381 m.

### **Član 3.**

U urbanom području općine Kakanj, utvrđuje se naziv trga koji glasi:

#### **1. „TRG KEMALA BAYSAKA“**

Trg Kemala Baysaka obuhvata središte „Sahat Kule“, sa graničnim obuhvatom oivičenim granicom između desne strane ulice Alije Izetbegovića, ograde Gradske džamije (harema) i ulice 7. Muslimanske brigade.

#### **Član 4.**

U urbanom području općine Kakanj, utvrđuju se nazivi mostova kako slijedi:

1. „**MOST ZLATNIH LJILJANA**“ - Most na rijeci Bosni, ulaz u grad,
2. „**MOST MLADIH**“ - Most na rijeci Bosni, izlaz iz grada,
3. „**MOST ŠEHIDA**“ - Most na rijeci Zgošći u mjestu Bukovlje.

#### **Član 5.**

Danom stupanja na snagu ove odluke, prestaju da se primjenjuju sve donesene pojedinačne odluke o utvrđivanju naziva ulica, trgova i mostova na području općine Kakanj.

#### **Član 6.**

Za realizaciju ove Odluke u skladu sa odredbama Pravilnika o sadržaju i načinu vođenja evidencija Agencije za identifikaciona dokumenta, evidenciju i razmjenu podataka BiH – IDDEEA, nadležano je Ministarstvo unutrašnjih poslova Zeničko-dobojskog kantona, PU Visoko, Policijska stanica Kakanj.

#### **Član 7.**

Ova odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

---

**Katičić Slaven**

## **O b r a z l o ž e n j e**

### **PRAVNI OSNOV**

Pravni osnov sadržan je u slijedećim propisima:

- Član 24. stav (1) tačka11) Statuta Općine Kakanj („Službene novine Općine Kakanj“, broj: 1/08);
- Odluka o utvrđivanju granica naseljenih mjesta na području opštine Kakanj („Službeni glasnik opštine Kakanj“, broj: 1/82);
- Član 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09);
- Zakona o utvrđivanju maseljenih mjesta i o izmjenama u nazivima naseljenih mjesta u određenim opštinama – prečišćeni tekst („Službeni list SR BiH“, broj: 24/86);
- Sistematski spisak naseljenih mjesta sa dijelovima naseljenih mjesta po opštinama na dan 01.01.1991. godine, koji je objavio Republički Zavod za statistiku SR BiH
- Metodologija za uvođenje i vođenje jedinstvene evidencije i jedinstvenog registra prostornih jedinica, objavljena od strane Agencije za statistiku BiH, septembar 2013. godine

### **RAZLOZI ZA DONOŠENJE REGISTRA**

- Nepostojanje službene jedinstvene evidencije ulica, trgova i mostova na području općine Kakanj
- Nepostojanje službenih odluka sa tačno utvrđenim nazivima ulica kao ni njihovim prostornim obuhvatom tj. tačnim početkom i krajem za sve ulice na području cijele općine Kakanj
- Brojni nedostaci u postojećoj numeraciji objekata i veliki broj novoizgrađenih objekata sa neodgovarajućim adresama
- Registar predstavlja osnovu za izvorne evidencije ulica, trgova, mostova i kućnih brojeva u upravnim tijelima jedinice lokalne samouprave Općine Kakanj nadležnim za geodetske poslove i/ili tijelima koja provode druge aktivnosti vezane za rad sa ovim podacima;
- Olakšavanje procesa pretraživanja ulica, trgova i mostova kao i odgovarajućih podataka vezanih za iste
- Adekvatno označavanje ulica, trgova i mostova
- Adekvatno utvrđivanje kućnih brojeva, odnosno označavanje zgrada

### **PRIJEDLOZI ZA DODJELU NAZIVA ULICAMA**

U okviru naseljenih mjesta, odnosno već imenovanih ulica na području općine Kakanj izdvajaju se ulice koje se predlažu za usvajanje novih naziva, odnosno izmjenu postojećih, a sve u cilju pojednostavljenja slijeda kućnih brojeva. Numeracija je ovim registrom već prilagođena te je potrebno samo usvojiti nazive za opisane ulice. Kraci su numerisani na način da kućni projevi imaju prefiks I, II ili III u zavisnosti koliko je zasebnih krakova izdvojeno. U

slučaju usvajanja naziva ulice, prefiks bi se potpuno mogao ukinuti, a numeracija, odnosno kućni brojevi, bi ostali isti.

1. U okviru naseljenog mjesta ***Obre*** izdvojena je saobraćajnica koja se pruža uz rijeku Trstionicu, a koja počinje odvajanjem desno sa glavne saobraćajnice na raskršću kod stare škole u Obrima i ponovo se spaja sa glavnom saobraćajnicom kod poslovnog objekta "SIM Komerc". Ovaj krak numerisan je sa prefiksom I. **Ovaj krak predstavlja prijedlog Komisije za dodjelu naziva ulice.**
2. U okviru naseljenih mjesta ***Podbjelavići i Marijina Voda*** izdvojena je ulica koja se odvaja desno sa glavne saobraćajnice Kakanj-Kraljeva Sutjeska, kod nekadašnje trgovinske radnje "Berbić" (ne uključujući ovaj objekat). Izdvojena ulica pruža se sve do novoizgrađene džamije na parceli k.č. 1291, k.o. Haljinići te joj pripada i krak koji se nalazi u naseljenom mjestu Marijina Voda, a koji se pruža desnom obalom rijeke Trstionice od mosta na rijeci do stambenog objekta Berbić Davuda. **Ova ulica predstavlja prijedlog Komisije za dodjelu naziva ulice.**
3. Kao prijedlog Komisije za dodjelu naziva izdvojena je ulica koja se pruža kroz naseljeno mjesto ***Podbjelavići*** i naseljeno mjesto ***Marijina Voda*** i to paralelno sa rudničkom prugom od stambenog objekta na parceli k.č. 212/1, k.o. Haljinići do stambenog objekta Fazlić Saliha na parceli k.č. 1194, k.o. Haljinići. **Ovaj krak predstavlja prijedlog Komisije za dodjelu naziva ulice.**
4. Kao zaseban krak u okviru naseljnog mjesta ***Doboj***, krak ulice 29. novembar koji se proteže čitavom dužinom parcele k.č. 802, k.o. Doboj, sa lijeve strane autoputa **predstavlja i prijedlog Komisije za dodjelu novog naziva ulice.**
5. U naseljenom mjestu ***Haljinići***, kao zaseban krak izdvojena je saobraćajnica koja se odvaja desno sa regionalnog puta Kakanj-Kraljeva Sutjeska, nasuprot ugostiteljskog objekta "Pink" i pruža se kroz naseljeno mjesto Haljinići do stambenog objekta na parceli k.č. 744, k.o. Haljinići, Kovač Ante. Numeracija objekata koji imaju pripadnost ovoj ulici izvršena je primjenom pravila lijeva-desna strana, a zatim nastavlja drugim paralelnim krakom uz desnu obalu rijeke Trstionice. **Ovaj krak predstavlja prijedlog Komisije za dodjelu naziva ulice.**
6. U naseljenom mjestu ***Marijina Voda*** izdvojen je krak koji počinje odvajanjem desno sa regionalnog puta Kakanj-Kraljeva Sutjeska, pored stambenog objekta Jurić Stjepana na parceli k.č. 1200, k.o. Haljinići (uključujući ovaj objekat), nastavlja desnom obalom rijeke Trstionice sve do ponovnog uključenja na regionalni put Kakanj - Kraljeva Sutjeska pored Rudničke direkcije Haljinići (ne uključujući ovaj objekat). Objektima koji imaju pripadnost opisano saobraćajnici dodjeljeni su kućni brojevi sa prefiksom I. **Ovaj krak predstavlja prijedlog Komisije za dodjelu naziva ulice.**

7. Kao zaseban krak ulice Šehida u naseljenom mjestu **Plandište** izdvojena je saobraćajnica koja od Srednjoškolskog cesta nastavlja prema Milama-novoizgrađenom naselju. Iz ovog razloga objekti koji pripadaju ovoj saobraćajnici su zasebno numerisani i to sa prefiksom I. **Ovaj dio ulice Šehida predstavlja prijedlog Komisije za dodjelu novog naziva.**
8. U okviru naseljenog mjesta **Plandište** izdvojena je ulica koja započinje odvajanjem sa ulice ZPO od stambenog objekta Gluhić Zahida (ne uključujući ovaj objekat) na parceli k.č. 1781/1, k.o. Kakanj, a završava kod parcele k.č. 1871, k.o. Kakanj i ima dužinu od 562 m ne uključujući krake koji se s desne i lijeve strane spajaju na ovu saobraćajnicu. Kućni brojevi koji pripadaju opisanoj ulici imaju prefiks I. **Ova ulica u naseljenom mjestu Plandište predstavlja prijedlog Komisije za dodjelu novog naziva.**
9. Druga ulica koja se izdvojila kao zaseban krak u naseljenom mjestu **Plandište** predstavlja saobraćajnicu koja započinje odvajanjem sa ulice Šehida kod Srednjoškolskog centra, nastavlja prema Novom naselju Bare do objekata Gradske deponije JP Vodokoma. Opisana saobraćajnica ima dužinu od 1.341 m. Kućni brojevi koji pripadaju opisanoj ulici imaju prefiks II. **Ova saobraćajnica u naseljenom mjestu Plandište predstavlja prijedlog Komisije za dodjelu novog naziva.**
10. U okviru ulice Mehmeda Skopljaka u naseljenom mjestu **Kakanj** zasebno je numerisan krak koji se odvaja od stambenog objekta Omerović Salke na parceli k.č. 332, k.o. Kakanj (uključujući i ovaj objekat) i pruža se pored Šehidskog mosta, desnom obalom Zgošće. Objektima koji imaju pripadnost ovoj ulici dodjeljen je prefiks I. **Ova ulica je prijedlog Komisije za dodjelu naziva.**
11. Prvi krak ulice Bratstva i jedinstva u naseljenom mjestu **Povezice** koji je zasebno numerisan počinje naspram objekta Nove Trgovine i pruža se parcelom k.č. 344, k.o. Doboј i do kraja nastavlja parcelom k.č. 326, k.o. Doboј. Dužina ovog kraka iznosi 309 m, a kućni brojevi u ovoj ulici imaju prefiks I. **Ova ulica je prijedlog Komisije za dodjelu novog naziva.**
12. Drugi krak Ulice Bratstva i jedinstva u naseljenom mjestu **Povezice** koji je zasebno numerisan počinje parcelom k.č. 330, k.o. Doboј, i nastavlja parcelom k.č. 306, k.o. Doboј. Dužina opisanog kraka iznosi 252 m, a kućni brojevi u ovoj ulici imaju prefiks II. **Ova ulica je prijedlog Komisije za dodjelu novog naziva.**
13. Treći krak ulice Bratstva i jedinstva u naseljenom mjestu **Povezice** koji je zasebno numerisan ima dužinu od 881 m, a započinje parcelom k.č. 1793/1, k.o. Doboј te nastavlja paralelno sa željezničkom prugom do stambenog objekta Čolak Vahidina na parceli k.č. 134/2, k.o. Doboј. Kućni brojevi u ovoj ulici imaju prefiks III. **Ova ulica je prijedlog Komisije za dodjelu novog naziva.**

14. U okviru naseljenog mjesto **Pope** kao zaseban krak numerisan je dio industrijske ceste koji se pruža od objekta bivšeg Maršala (uključujući ovaj objekat) do raskrsnice u blizini džamije u Popima. **Ovaj krak zbog pravilnog rasporeda objekata sa obje strane ulice predstavlja i prijedlog Komisije za dodjelu naziva ulice.**

15. U okviru naseljenog mjesto **Varda** kao zaseban krak izdvojena je ulica koja se odvaja desno sa ulice Branilaca, od objekta na parceli k.č. 1679/4, k.o. Kakanj (uključujući i ovaj objekat). Ova ulica pruža se paralelno desnom obalom rijeke Bosne, nastavlja se ispod tzv Cementarskog mosta i nakon mosta skreće desno do raskrsnice kod objekta bivšeg Maršala na parceli k.č.1629, k.o. Kakanj (ne uključuje ovaj objekat). **Ova ulica je prijedlog Komisije za dodjelu novog naziva.**

16. U naseljenom mjestu **Varda** kao zaseban krak izdvojen je i krak ulice V divizije NOP-a koji počinje od Šehidske česme i nastavlja pored starog gradskog groblja parcelom k.č.2180 k.o. do stambenog objekta Husagić Ramiza, na parceli k.č. 827/2, k.o. Varda, gdje skreće desno do zadnjih objekata. **Ova ulica je prijedlog Komisije za dodjelu novog naziva.**

Sukladno naprijed navedenom predlaže se Općinskom vijeću da predloženu Odluku o utvrđivanju registra naziva ulica, trgova i mostova na području općine Kakanj, usvoji

OBRAĐIVAČ:

Za komisiju  
Bajrić Međid

PREDLAGAČ:

Općinski načelnik  
Nermin Mandra